

## SUL CYFFREDIN 28

JOSUA 24:1-3A, 14-25; SALM 78:1-7;  
1 THESSALONIAID 4:13-18; MATHEW 25:1-13

---

---

### ● Gweddi agoriadol

I'th bresenoldeb y down,  
i addoli o'n calon;  
dy blant mewn perthynas  
â'u Tad nefol,  
gan ddwyn ein hoffrwm moliant  
a gwasanaeth ein bywydau.

### ● Moliant

Ym mhob cenhedlaeth  
dyrchafwyd dy enw,  
cyhoeddwyd dy ffyddlondeb  
gan broffwyd, offeiriad a brenin.  
Ac at gorws  
dy saint ym mhob oes  
ychwanegwn harmoni ein moliant.  
Oherwydd fe'n dygaist  
o lefydd anial  
i borfeydd bras  
a lle diogel  
y tu mewn i'th deyrnas,  
lle mae dy gariad,  
dy ras a'th dangnefedd  
yn eiddo i bawb sy'n dy wasanaethu  
yn Arglwydd ac yn Dduw.

● **Cyffes**

Gweision gwael ydym yn aml  
yn dy deyrnas, Arglwydd;  
maddau ein harafwch  
i rannu dy lwyth.

Boed i'n calonnau wastad fod yn barod  
i gael eu cynhyrfu gan anghyfiawnder.  
Boed i'n dwylo wastad fod yn barod  
i rannu baich y dieithryn.  
Boed i'n traed wastad fod yn barod  
i gerdded yr ail filltir.  
Boed i'n balchder wastad fod yn barod  
i gael ei ostwng cyn i ni syrthio.  
Boed i'n cariad wastad fod yn barod  
i gael ei rannu gyda'r rhai mewn angen.  
Boed i'n bywydau wastad fod yn barod  
i fod yn lamp yn y byd tywyll hwn.

Rydym yn aml yn weision gwael  
yn dy deyrnas, Arglwydd;  
maddau ein harafwch,  
ac ysbrydola ni, yw'n gweddi.

● **Diolch**

Rhown ddiolch i ti  
am bob cenedlaeth  
sydd wedi trosglwyddo  
y newydd da  
na wnest ti,  
Creawdwr y bydysawd, orffwys  
unwaith y gorffenwyd y gwaith,  
ond parhau  
yn ddi-baid  
yn y galon ddynol,  
yn creu'r bobl  
y bwriadwyd i ni fod,  
drwy drugaredd a gras  
a'n Gwardwr, Iesu Grist.